

19

DESCRIPTIO
PARAGVAY,
sive Provinciae
RIO DE LA PLATA,
cum regionibus adjacentibus
TVCVMAN ET SANTA CRVZ
DE LA SIERRA.



Provinciae
R. de la
Plata.

Fertilitas.

Fluvius de
la Plata.

Rovinciae Rio de la Plata nomen suum ab ipso flumine mutata sunt, nullisque adhuc certis definitisque limitibus describuntur, nisi qua parte septentrionale mare spectant. Ad meridiem ab ipsa fluminis ripa initium capiunt, altitudine australi grad. 36, & boream versus extensae Brasiliæ parte terminantur, quam Tropicus Capricorni transit. Versus occidentem ad provinciam usque Tucuman exspatiantur, alibique Peruvia extrema contingunt. Atque hæc quidem regio omnis à soli ubertate ac fecunditate supra modum laudatur. Frumentum, vina, sacchara, larga manu subministrat, omniaque Castellanorum in hunc orbem translata semina cum fœnore ingenti reddit. Pascuis quoque luxuriat, in quibus omnis generis armenta aluntur, maxime equi, qui cum primum numero essent triginta septem, equi 30, equæ 7, spatio annorum XL in eum numerum excrevere, ut totam circumquaque regionem impleverint. Triplex habet cervorum genus; alii magnitudine minores vaccas æquant, proceris altisque cornibus, qui in paludibus ac arundinetis latitant: alii hircos majores quantitate referunt, qui in agris vivere amant: alii vero minores adhuc, qui montana colunt. Sues ac cercopithecus valde caudatos hic videoas, magnitudine fere humana, etiam vulpes, tigrides, leones, aliaque ferarum genera. Chamæleonem quoque hæc terra alit, ore in aerem vento obversum, nulli noxiun animalculum. Et quamquam haec tenus creditum fuerit, auri fodinis hunc tractum destitui, secus tamen nuper compertum, deprehensis non levibus auri ac argenti vestigiis, uti & æris, ferrique ac amethystorum.

Indis fluvius hic Paranaguazu dicitur, etiam Parana. Post fluvium Amazonum, nulli totius terrarum orbis flumini magnitudine cedit. Ostium America.

um ad mare septentrionale austro obvertit altit. grad. 35 & 36, inter promontorium S. Mariæ, quod Boreale est, & Cabo Blanco, sive ut alii vocant Capo de S. Antonio, quod australe est, intervallo triginta leucarum Hispanicarum. Si altius descendas, latus est milliaria decem, pluribus passim insulis conspersus, multosque hinc ab oriente, inde ab occidente fluvios receptans, usque ad portum de los Reyes: qui lacus est vastæ magnitudinis, (de los Xarays vocant) paulo minus trecentis milliaribus ab ostio remotus, quem constituant augmentque flumina ex montibus Andes delapsa.

Primus fluvium concendiisse perhibetur Iohannes Diaz de Solis anno 1515, & post hunc Sebastianus Gabotus Anglus, missus ab Hispalensis, ut per Fretum Magellanicum Moluccas adiret. Hic postquam ad aliquot leucas flumen ingressus esset, argentum apud Indos repeterit, quod bello cum Peruvianis gesto sibi pepererant. Atque hac de causa fluvio nomen de la Plata inditum, qui antea à Iohanne prædicto fluvius Solis dictus fuerat. Ad unam eandemque præfecturam referuntur hæ regiones, Proregi Peruvia ob locorum vicinitatem subditæ. Episcopatum quoque habet, in quo tres sunt Castellanorum pagi ac societates. Magna quoque in his est indigenarum frequentia, quibus corpora vasta sunt, & vegeta.

Vrbes hæ sunt: Vrbs de Nuestra Sennora del Vrbe. Assumption prima colonia, ac provinciae metropolis in altitud. grad. 25 $\frac{1}{2}$ posita, quam primus fundavit dux Iohannes Salazarius, iussu Gubernatoris Petri Mendosæ. Ad hujus latus dextrum prope Tropicum occurrit Ciudad Real, quam Indi Guyaram vocant, alio quoque nomine Oliveros appellatur, 80 ab urbe Assumption leuis, juxta fluvium Paranam. Loco sita est fertili & rerum ad viçtum satis ubere. Ad latus vero Peruviam spectans urbs est S. Crux de la Sierra, in quam colonos deduxit Nuñez de Chaves, prope fluvium Paraguay condita, cives habens Castellanos 400, & 3000 ex Indo ac Castellano parentibus natos, quos Mestizos vocant. Sedes est gubernatoris, ministrorum regiorum, ecclesiæ